

quæ secundum Regulam, & Constitutiones ipsi reservantur.

III. Illa autem, quæ in Capitulo generali Ordinis, ab unica Familia fieri debent juxta regimen ejusdem Familiae, ab ea proponenda sunt toti Capitulo generali Ordinis, & nisi ab isto determinantur adhuc pro una Familia non poterunt executioni mandari.

§. IX.

De Diffinitorio Generali.

I. In quolibet anno duo celebrentur Diffinitoria, unum generale in qualibet Familia die 13. Septembris, alterum Provinciale pro qualibet Provincia die 3. Maii. Sed quia anno in quo Diffinitorium generale Ordinis congregari debeat secundum Constitutiones ad electiones faciendas a triennio post Capitulum generale Ordinis, non congregabitur Mense Septembris, Diffinitoria Provinciarum illius Familiae poterunt prorogari ad Mensem Septembris, ne illis intra annum deficiat Diffinitorii Tribunal proprium, ad quod concurrere debent pro expeditione negotiorum suorum.

II. Hujusmodi Diffinitoria generalia semper congregabuntur in Conventu, vel Collegio jam ab ipso Diffinitorio antedicti deputato. Nec ad istud sit necessaria convocatio, nec admittatur aliqua excusatio, nisi aliquis infirmitate, aut alia causa inevitabili sit impeditus. Nec liceat Superiori generali aliquem Diffinitorem occupare, vel impedire ita, ut dictis temporibus assistere non valeat Diffinitorio.

III. Si Superior generalis absens fuerit, infirmus, vel taliter impeditus, ut dictis Diffinitoriis adesse nequeat, congregentur tempore dicto Diffinitores, & Praesidente primo ex eis, celebrent Diffinitoria. Nunquam tamen absente Superiore generali aliqua fiat electio, vel admittatur renunciatio, vel nova Conventus fundatio.

IV. Congregari etiam poterit Diffinitorium semper, ac Superiori generali visum fuerit, qui & illud congregare quoque tenebitur quando major pars Diffinitorum id postulaverit, vel vacaverit aliquod officium per quatuor Menses ante celebrationem futuri Diffinitorii.

V. Quotiescumque Diffinitorium celebretur praesente Superiore generali, si vacans fuerit aliquod officium Diffinitoris ante omnia eligatur Diffinitor; idemque fiat casu quo in ipsa actuali Diffinitorii celebratione tale officium per mortem, renunciationem, aut aliam justam causam vacaverit; Et si electus absens est, prosequatur Diffinitorium, nulla tamen fiat electio donec novus Diffinitor perveniat, sine illius consensu, si fuerit intra familiam, secus si extra illam fuerit.

VI. Diffinitorii tempore congregentur Diffinitores semel saltem in die per spatium unius horæ. Durabitque Diffinitorii celebratio diebus necessariis pro expeditione

rerum, & negotiorum ad arbitrium ipsius Diffinitorii.

VII. Semper ac celebratur Diffinitorium generale teneatur Superior generalis proponere officia tunc vacantia, & ad Diffinitorium generale pertinentia, ut eorum electiones fiant, & similiter negocia occurrentia, quæ determinationem Diffinitorii generalis expectant, ut per ejus secreta & decisiva suffragia judicentur.

VIII. Quilibet ex Diffinitoribus poterit proponere quamlibet rem ex attentibus ad suum Diffinitorium, et si majori ipsius parti expedire videatur, per secreta suffragia decidetur.

IX. Res graves, quales sunt electiones, Renunciationum admissiones, & similia proponantur pridie ante decisionem.

X. Quando aliquid determinatum est in Diffinitorio, non agatur iterum de illo in eodem Diffinitorio absente aliquo ex eis, qui primo Decreto steterunt. Imo etiam omnibus praesentibus non contravertatur iterum, nisi concurrentibus tot suffragiis, quot necessaria sunt ad dispensandum.

XI. Epistolæ ad Diffinitorium Missæ non aperiantur, nisi coram ipso, & ibi publice legantur, nisi aliter eidem Diffinitorio visum fuerit.

XII. Diffinitorium generale Ordinis poterit mittere aliquem Religiosum ad Curias Pontificiam, & Regiam, & quo illi expediens visum fuerit pro aliquo gravi negotio ad bonum commune Religionis pertinente; dum tamen in hoc conveniant omnes, qui fuerint in Diffinitorio uno dempto.

XIII. Poterit etiam aliquem ex Diffinitoribus in quolibet gravi negotio occurrente occupare intra, vel extra Familiam, prout illi conveniens visum fuerit.

XIV. Non poterit Diffinitorium generale vices suas concedere, nec Patri Ministro generali seorsim, nisi quando adiret aliquam Provinciam, vel Conventum videndum, vel in simili casu raro: Et semper cum limitatione ad ea tantum, quæ probabiliter (judicio ipsius Diffinitorii) occurrere possunt, designando casus speciales, qui & in libro Diffinitorii scripti manebunt.

XV. Deputet Diffinitorium in suum Secretarium unum ex Patribus Diffinitoribus, qui statim ac electus fuerit juramentum emittat servandi secretum, & fidelitatem forma praescripta pro secretario Capituli generalis. Cap. 39 §. 5. n. 1.

XVI. Quod actum, decisumque fuit a Diffinitorio in ejus libro scribatur, & in electionibus canonicis in ipso factis annotetur numerus suffragiorum, & antequam finiatur Diffinitorium, legatur coram ipso & postea subscribatur a Superiore generali, Primo Diffinitore, & Secretario. Ea autem, quæ sive in Capitulo generali Ordinis, sive in alia Congregatione acta, decisiva, sive determinata fuerint ab utroque Diffinitorio generali, insimul in eodem libro Diffinitorii generalis Ordinis scribantur

tur, subscribanturque a Praeside, ab immediato Diffinitore Ordinis a Primo Diffinitore alterius Familiae, & a Secretario Diffinitorii generalis Ordinis.

XVII. Pater Minister generalis determinationes, & Decreta Diffinitorii generalis Ordinis executioni breviter mandari curet. Quod si remisse in hoc se gesserit, & reverenter monitus non se emendaverit, Diffinitores Primus, & Secundus exequi faciant ea, subscribendo simul cum Secretario, & signando Diffinitorii generalis Ordinis sigillo. Superior autem, atque & Diffinitorium alterius Familiae similiter curent executioni mandari, quid quid a Diffinitorio generali Ordinis fuerit decisum aut determinatum: Et si aliter fieri contigerit, Diffinitorium generale Ordinis committere poterit suas vices alicui Religioso probo, atque intra aliam familiam benevisi, qui aliquando fundus fuerit officio Superioris generalis, vel Diffinitoris generalis, vel Ministri Provincialis, ut nomine Diffinitorii generalis Ordinis, Superiorem generalem Familiæ, & quemlibet Diffinitorem, ceterosque Religiosos per precepta cogat ad obedientiam, eosque si opus fuerit, suspensos declaret, & de inobedientia processum faciat, & informationem; Ut illis inspectis, Diffinitorium generale Ordinis, vel eorum renunciationes admittat, vel pro qualitate culpæ eisdem afficiat poenis.

XVIII. Si (quod Deus avertat) Superior generalis Ordinis se gereret cum magno secularium scandalo, vel Religionem regeret notabili relaxatione, & observantiam in rebus gravibus negligeret, tunc Primus Diffinitor generalis Ordinis, convocet omnes alios Diffinitores Generales Ordinis, ut in Domo omnibus commodiore die ab ipso assignando, congregentur. Qui omnes simul juncti, & non aliter, ac re mature considerata, convocent quatuor, vel quinque Ministros Provinciales per Capitulum Generale Ordinis deputatos, & simul cum illis humiliter, & reverenter (vel oretenus) bis moneant Superiorem generalem Ordinis. Qui si adhuc ab excessibus, & culpis non cessaverit, omnes dicti Praelati (Diffinitores utique generales Ordinis, & ministri Provinciales) simul congregati, & majore illorum parte consentiente, causa sine figura Judicii, aut strepitu judiciali, cognita, judicent, an mereatur deponi: & ita sententibus, & judicantibus, moneatur, ut sui officii faciat renunciationem, quam si non fecerit, deponatur. Et in tali casu, dum causa examinatur, poterunt omnes simul in toto Ordine, cui, vel quibus necessarium fuerit, imponere precepta, & censuras, quæ in alia quacumque mandata subscripta a Primo, & Secundo Diffinitore generali Ordinis, & referendata a Secretario fidei faciant, & obligent. Et etiam in eo casu poterunt dicti Praelati inhibere etiam P. Ministro generali preceptis, vel censuris aliisve mediis opportunis, ne, dum causa ipsius agitur, & concluditur, officium suum.

Bull. Rom. Tom. XIV.

exerceat, nec in alio sit Conventu, prater sibi ab eis designato.

XIX. Hujusmodi Congregatio obligari non poterit ad reddendam causam admissionis renunciationis, nisi Sacra Congregatio id petierit ad instantiam ipsius Superioris Generalis, causa, & Processus instituantur authentice, & summarie tantum, ut ipsi Congregationi consent merita causa, & si velit, jubeat, ipsam ad Summarium reduci. Postquam vero Minister Generalis a suo officio fuerit amotus. Primus Diffinitor Generalis integram suam Familiam convocet, ut quamprimum, in Domo, in qua fuerat celebratum Capitulum generale Ordinis, Vicarius Generalis electus sit, ut habetur §. 9. hujus Capituli.

XX. Si autem Superior Generalis alterius Familiae ob similes causas corrigi meruerit, id fiat a suo Diffinitorio etiam humiliter, ac reverenter, & moneatur bis, ut emendetur. Si vero non se emendaverit, Diffinitorium ipsum culpæ capita, & attestationem illarum mittat ad Diffinitorium Generale Ordinis, ut instruat; & si illi visum fuerit, ex meritis causæ, vel illi illius honori consulendo, jubeat officio cedere, vel si hoc facere voluerit, ipsum deponat, in quo casu Minister Generalis eligere poterit Vice-Commisarium, ut dictum est.

XXI. Omnes Processus, ut causæ criminales, custodiantur in Archivo generali Ordinis, & Patres Provinciales, & Visitatores remittant dictas causas jam absolutas, ut in Archivo reponantur: Imo & etiam remittant inceptas, & nondum finitas, si ab ipsis absolvendæ non sunt: Idemque faciant Patres Ministri de causis ab ipsis inchoatis, & formatis, vel illas remittant ad suum Provinciale, ut de illis judicet. Quo facto, ipse eas mittat ad prædictum generale Archivium, in quo conserventur sub clavi, quæ apud Superiorem Generalem, vel ejus Secretarium sit.

XXII. Et ne decursu temporis libri Ordinis, Bullæ, Brevia, Privilegia ceteraque scripturæ deperdantur, decernimus, quod in nostro Conventu Matritensi sit Archivium generale, in cujus parte separata omnia prædicta reponantur, & custodiantur sub duabus clavibus, quarum altera sit apud Patrem Superiorem Generalem, altera vero apud unum ex Diffinitoribus designandum a Diffinitorio. Et similiter ad eundem effectum in Conventu nostro Sancti Caroli Curie Romanæ sit aliud Archivium, cujus claves habeant Pater Minister, & Procurator Generalis illius Curie assumptus ex Familia intra Hispaniam, sive sit Ordinis, sive Familiae.

XXIII. Deficiente autem Superiore generali, & omnibus Diffinitoribus, claves Archivi Matritensis erunt apud Ministrum Conventus, & Procuratorem Generalem Curie Regiæ. Clavis Archivi Romani, quæ erit apud Ministrum Conventus S. Caroli, si ipse Minister fuerit Procurator Generalis eam habere debet ex commissione

Superioris Generalis Consiliarius antiquior. At vero si Procurator Generalis Ordinis aut Familia ibi commoretur, & residentiam habeat intra Urbem, ut tamen egeat Archivio Romano ad sua respective negotia pertractanda, non solum Archivium ingredi, sed & Clavariis consentientibus, extrahere poterit, & secum deferre Instrumenta aliqua cum obligatione a se subscripta, eadem restituendi intra breve tempus, quam obligationem ipsi Clavarii servare debent, & precipimus in virtute sanctæ obedientiæ, & sub præcepto formali tam Clavariis consentientibus, quam prædictis Procuratoribus Generalibus extrahentibus Instrumenta, ut ea restitui curent sub pena privationis ad ulteriora Ordinis officia non restituenti, & Clavario ommittenti pro casu non restituenti, non monenti Ministrum Generalem, ut ea restitui faciat.

§. XII.

De spectantibus ad Diffinitorium Generale.

I. Privative pertinet ad Diffinitorium Generale Ordinis novas Conventionum fundationes admittere; declarare dubia erga nostras Constitutiones occurrentia: dispensare in eisdem Constitutionibus ad universale Ordinis regimen non spectantibus, quod tamen raro fiat, & consentientibus omnibus suffragiis præter unum, dummodo non sint confirmata a Sede Apostolica; atque etiam pertinet ad ipsum dispensare in statutis, seu Decretis Capituli generalis Ordinis. Ad ipsum quoque pertinet admittere renunciationem Patris Ministri Generalis, si actualiter tunc non celebretur Capitulum generale Ordinis, sed ad hujusmodi admissionem omnia suffragia concurrere volumus. Præterea ipsius Diffinitorii Generalis Ordinis est deputare Religiosos, qui Redemptionem Captivorum exercere debent: & cetera omnia, quæ illi reservantur in Constitutionibus.

II. Ad quodvis vero Diffinitorium Generale, sive solius Familiae, sive simul Ordinis sit, pertinet fundationes jam admittas, & jam factas uno situ transferre in alterum, Conventionis unius Provinciae alteri designare, & adscribere, consulendo tamen in præfatis Provinciales illarum Provinciarum, de qua, & ad quam mutatio fiat. Etiam pertinet ad ipsum punire culpas gravissimas, facere statuta, quæ communiter acta dicuntur pro reformatione totius Familiae: Designare tempus, & locum, in quo celebrandum est Diffinitorium Generale immediate futurum, admittere renunciations Officiorum, ad quæ eligere extra Capitulum habeat jus: dispensare, ut a Capitulo Provinciali, inspecta utilitate Domus, pro eodem reeligii possit aliquis Minister consentientibus omnibus suffragiis Capituli præter duo.

III. Insuper præbere consensum, ut a Summo Pontifice, & ejus Sacris Congregationibus licentia obtineantur, ut aliqui Religiosi nostri transitum faciant ad alias

Religiones: licentiam concedere, ut libri Typis mandentur; sine qua, vel sui Diffinitorii Provincialis licentia nemo id audeat facere sub pena privationis Officii, vocisque activæ, & passivæ per triennium.

IV. Item facultatem concedere Conventionibus, ut hæreditates, seu legitimas renuncient, excepta tamen parte ad Redemptionem Captivorum spectante; & cum conditione, quod si Persona, in cujus favorem facta fuerit renunciatio absque hærede necessario decesserit ad Religionem legitime redeat. Itæ autem renunciaciones in libro Conventionis renunciantis scriptæ in memoriam maneant. Deinde potest etiam Diffinitorium Generale, & ad ipsum spectat licentiam concedere, ut Conventiones cum partibus componantur, & ut ad censum, sive ad damnum pecunias recipiant: obtenta tamen prius supra præmissis debita Sedis Apostolicæ licentia. Et demum ad Diffinitorium Familiae intra Hispaniæ pertinet eligere ad triennium Procuratorem Generalem suæ Curiae Regiæ.

V. In electionibus faciendis extra Capitulum a Diffinitorio Generali quando concurrunt tantum sex electores, si post tres sessiones, in quarum lingulis tria Scrutinia habita sint, electio canonica non sequatur, servetur id, quod dictum est §. 6. num. 3. hujus Capituli.

VI. Præcipimus omnibus Religiosis tam Prælati, quam Subditis, ne recurrant ad Diffinitorium Generale pro expeditione rerum ad alios Superiores pertinentium, nec ad Superiorem Generalem pro illis, quæ pertinent ad inferiores Prælatos. Qui autem sine debitis circumstantiis recurrerit, juxta gravitatem culpæ puniatur.

VII. Diffinitorium Generale nihil poterit facere ultra concessum a Regula, & nostris Constitutionibus, nec negotium aliquod, vel causam ad ipsum non pertinentem poterit sibi arrogare, nisi in casu raro, & omnibus suffragiis concurrentibus.

VIII. Superiores Generales, & etiam Diffinitorium Generale, quando illis expediens visum fuerit, mittant aliquam instructionem Patribus Provincialibus suæ Familiae, quæ, & pro bono regimine, ac reformatione Provinciarum, & proximorum, ac subditorum profectu deserviat.

REGULÆ

CAPUT XI.

Electio Majoris; ac Generalis Ministri de sexennio in sexennium &c.

CAPUT XI.

De qualitate eligendorum in Prælatos, ac de eorum, & aliorum officis, jure, & potestate.

§. I.

De officio Patris Ministri Generalis, & his, quæ ad ipsum pertinent.

I. Pater Minister Generalis debet esse non mediocriter Doctus in Theologia, sive Sa-

Sacris Canonibus instructus, prudensque, & zelans Regularis disciplinae, & splendoris Ordinis, quippe tanquam Caput illius, alios omnes debet excedere, quantum possibile humana fragilitati permittitur: ut autem aliquis sit eligibilis in Ministrum Generalem Ordinis debet habere viginti, & octo annos a professione: Et necessarium est, quod aliquando fuerit saltem per integrum sexennium Lector Sacræ Theologiæ, vel Procurator Generalis Ordinis, vel Secretarius Patris Ministri Generalis, vel quod concionatus fuerit octo Quadragesimas laudabiliter, & cum conditionibus expressis. Cap. II. §. 9. num. 1. Ac demum, quod fuerit Provincialis, vel Diffinitor Generalis Ordinis, vel Familiae.

II. Ministro autem Generali omnes in toto Ordine submissæ, & humiliter obediunt tanquam totius nostræ Religionis universali Patri, & Pastori, in quo residet potestas, & Jurisdictio totius Ordinis non minor, sed superior, ac in Commissario respectu suæ Familiae, & in Provinciali respectu suæ Provinciae, & in Ministro respectu sui Conventionis. Habet enim potestatem, & Jurisdictionem sibi concessam sive jure communi, sive privilegiis nostræ Religionis concessis, exceptis illis, quæ limitantur per nostras Constitutiones. Quare cum illi competat regimen totius Ordinis, vigilare, & curare maxime debet perfectam Regularis disciplinae observantiam per Instructionem a se missam Provincialibus Ministris, & designando zelatores, & probos viros, ut per illos statum Ordinis facilius agnoscere possit.

III. Hortamur tamen Patrem Ministrum Generalem ne se in officia aliorum Superiorum intromittat, nisi negligentia, vel culpa illorum id exigat, aut aliquando ratio, & prudentia suadeat, semper vero debent omnes illi obedire, quod si excesserit in dicta intromissione, a Diffinitorio Generali Ordinis, cui interest, submissæ, & reverenter moneatur, proponendo inconvenientia, ipsumque informando. Ceterum si adhuc instet; sub forma superius posita Cap. 39. §. 1. num. 2. etiam Diffinitorium Generale Ordinis obediat humiliter secundæ illius jussioni, quia convenientius est aliquid durum pati, quam resistere Superiori.

IV. Numquam aliquid disponat, determinet, aut præcipiat contra id, quod a Superiore alterius Familiae, vel ab aliquo Provinciali dispositum, determinatum, aut præceptum fuit, quin prius id notum faciat ipsis, qui disposerunt. Superior Generalis Ordinis ex Familia extra Hispania assumptus nullam Jurisdictionem exerceat in Conventu nostro Romano S. Caroli, nisi eam tantum, quam in alios Hispania Conventus exercere poterit, & in eo Conventu residere non possit, quod potiori jure intelligendum est de Commissario Generali extra Hispano.

V. Ad Patrem Ministrum Generalem pertinet præfidere in tota Religione in Diffinitorio Generali Ordinis, aut Familiae si Bull. Rom. Tom. XIV.

præfens fuerit, & voluerit, & similiter in quovis Capitulo generali, atque etiam in Capitulis Provincialibus suæ Familiae per se, aut per alium, ut dicitur postea de Præsidente Capituli Provincialis: Ceterum si fuerit extra suam Familiam, præfidere poterit personaliter in quacumque Congregatione, & Capitulo illius, sive Generali, sive Provinciali, & proponere tam in istis, quam in aliis, quæ in eis agenda, vel determinanda sunt, & executioni mandare, quod in ipsis decretum est, & facere, quod observentur disposita in nostris Constitutionibus.

VI. Item ad ipsum spectat semel saltem in suo sexennio videre omnia Monasteria totius suæ Familiae, & inquirere, ac visitare quemcumque Conventum, vel Collegium ejus, prout ipsi visum fuerit.

VII. Ad ipsum quoque pertinet Religiosos ab una in aliam transferre Familiam, consulto tamen Superiore Generali alterius Familiae, & intra propriam de una in aliam etiam Provinciam, consultis Provincialibus utriusque. Omnes enim Religiosi nostri ad eam tantum Provinciam spectare debent, in qua professi fuerint, vel quos Superior Generalis Ordinis incorporaverit in ea; aut fuerant Conventuales ante ejus erectionem, juxta dicenda de Capitulo Provinciali; etiam ad Ministrum Generalem pertinet Confraternitates SSinæ Trinitatis erigere, & aliarum illi aggregationem facere. Nec non Epistolas Fraternalitatis, cui voluerit, concedere. Pertinet etiam ad eum intra propriam Familiam, designare Lectores tam Philosophiæ, quam Theologiæ Scholasticæ, Expositivæ, & Moralis, & Lectoribus præfere licentiam ad quæcumque itinera facienda. Deputare Magistros Novitiorum, recens professorum, & Collegiarum Philosophiæ, cum consilio Provincialis Provinciae.

VIII. Præterea pertinet ad ipsum nominare Præsidentem, illi delegando suas vices, quoties ipse exierit a sua Familia, & etiam facultatem concedere Vice-Commissario alterius Familiae, quem elegerit in Superiorem ejus, ut Præsidentem designet pro Familia in casu, in quo ipse ad Capitulum generale, vel ad aliud opportunum negotium exeat ab ea. Ac demum ad eum pertinent omnia, quæ nostræ Constitutiones Ministro Generali concedunt, & Curæ ipsius committunt. Poterit quoque designare Visitatorem cujuscumque Provinciae, & totius alterius Familiae, sed filium semper Familiae ad Familiam, Provinciae ad Provinciam visitandam, nisi omnibus consentientibus Diffinitorium Generale Familiae alium exigat Visitatorem extra Familiam, vel Diffinitorium Provinciale extra Provinciam suam.

§. II.

De Commissario Generali.

I. Commissarius Generalis (tanquam Superior alterius Familiae, qui Jurisdictione

ne ordinaria eam regere, & gubernare debet in omnibus, quæ in his Constitutionibus, vel Diffinitorio Generali Ordinis, aut Ministri Generalis obedientia non sint opposita oportet, ut sit vir nihilo abfimis a Superiore Generali Religionis, quo ad Doctrinam, prudentiam, & ceteras Dotes; quo ad graduationem vero, & aetatem, ut in Capitulo generali eligibilis sit, debet esse talis, ut assumi possit in Ministerium Generalem Ordinis, si in eo Capitulo assumendus esset ex sua Familia.

II. Ad Commissarium Generalem pertinent omnia, sed tantum in sua Familia, quæ Ministro Generali non reservantur in his Constitutionibus, sive Diffinitorio Generali Familiae non competunt. Poterit etiam intra suam Familiam, quicquid Provinciales ipsius in suis Provinciis, & Ministris earum in suis Conventibus; Ceterum fervare debet Regulam præscriptam Ministro Generali §. 13. num. 3.

III. Ad ipsum quoque pertinet omnes nominare lectores, modo dicto Cap. 38. §. 4. num. 1. ipsique licentiam concedere, ut itinera faciant; atque Magistros, sive Novitiorum, sive recens professorum, sive pro Collegiis Philosophiae designare, & eligere, concedere Epistolas Confraternitatis, Benefactoribus intra suam Familiam modo autem non poterit erigere, neque aggregare Confraternitates SSinæ Trinitatis, adhuc intra Familiam suam: quia huiusmodi facultas tantum est concessa per Sanctam Sedem Ministro Generali, & Procuratori Generali Ordinis in Curia Romana. Ceterum Minister Generalis ex nunc erigit, sive aggregat, quas Commissarius Generalis assignet, dummodo non nomine proprio, sed nomine ipsius Ministri Generalis pro tempore, & expulso semper in ipso Instrumento erectionis, vel aggregationis conferat illud. Demum ad Commissarium pertinet intra suam Familiam quicquid in Constitutionibus assignatur Superiori Generali, quam addatur Ministro, vel dicatur Ordinis.

IV. Vice-Commissarius, quem eligere debet Superior Generalis Ordinis, in casu cuiuscumque defectus Commissarii debet eligi ex quatuor eligibilibus selectis in Capitulo generali, qui superfuert post electionem Commissarii Generalis. Nec poterit eligere Vice-Commissarium, nec sic antea eligibilem, nisi casu, quo nullus eorum quatuor superstes sit, vel electio jam fuerit determinata ad unum. Preterea nunquam eligat in Vice-Commissarium, qui alia Prælatu fungatur. Hic enim reputabitur tanquam superstes, ut eligatur in Vice-Commissarium.

V. Vice-Commissarius tamen sic electus, & Delegatus a Ministro Generali Ordinis ea omnia poterit in tota Familia sua a die, in quo notam fecerit suam Commissionem in quocumque Conventu, quæ illi Delegatus designaverit. Poteritque vi delegationis designare Præsidentem suæ Familiae, pro casu absentia suæ ab illa; cuius Offi-

cium duret usque ad possessionem Prælati noviter electi, & ad Delegantis arbitrium.

§. III.

De Patribus Diffinitoribus Generalibus.

I. Patres Diffinitores Generales Ordinis sex esse debent juxta Breve se. re. Alexandri Papæ VII. expeditum die 30. Januarii anno 1658. Sex etiam debent esse Diffinitores Familiae juxta Breve SSini Dni nostri Clementis XII. expeditum die 10. Decembris anno 1733. De his omnibus Diffinitoribus, sive Ordinis, sive Familiae idem dicendum est: Quippe differunt tantum in eo, quod primi sunt Diffinitores totius Ordinis electi ad sexennium, & intra, & extra Familiam suam præcedere debent omnes alios; Secundi vero sunt Familiae, & eliguntur ad triennium, & præcedere debent omnes alios intra Familiam tantum, post tamen Diffinitores Generales Ordinis. Itaque singuli duo Diffinitores pro singulis Provinciis suæ Familiae eligantur, & omnes intra suam Familiam sint æquales in potestate, & præminentia, ac Filii sint Provinciarum, pro quibus eliguntur actualiter. Horum enim prior electus, primus sit Diffinitor intra suam Familiam; Secundo electus, secundus, & sic de ceteris servata prioritate electionis.

II. Ceterum nullus Religiosus eligibilis sit in Diffinitorem Generalem, qui expleverit viginti annos post professionem, & quin fuerit prius ad minus per triennium Lector Theologiae, aut Secretarius Generalis, aut Procurator Generalis in Curia Romana, vel concionatus fuerit quatuor Quadragesimas, aut Magister Novitiorum per triennium, & quin postea ad minus per triennium fuerit Minister Conventualis alicujus Conventus, vel Collegii suæ Provinciae.

III. Superior Generalis, & Diffinitores Generales, dum post suam electionem primo in Diffinitorio congregabuntur, faciant ante omnia in ipso Diffinitorio Juramentum servandi perpetuum Secretum de rebus in eo agendis. Quod Juramentum tunc obliget, quando major pars Diffinitorii declaraverit debere servari secretum in tali, vel tali casu. Qui autem illud fregerit, ab eodem Diffinitorio severe puniatur.

IV. Diffinitores Generales habitent in Conventibus designatis a suo Superiore Generali, & aptis; ut opportune scribere, & recipere Epistolas possint ad suum munus spectantes. Et in omnibus Conventibus, & Collegiis, ubi fuerint, suffragium habeant, sicut ceteri Conventuales, sedentque in toto Ordine juxta nostras Constitutiones, quamvis aliquod Diffinitorium sive Provinciale, sive Generale Familiae actu celebretur in ea Domo, in qua aliquis Diffinitor Generalis Ordinis inventiatur, quo tempore juxta nostras Constitutiones, Provincialis respectu Diffinitorii Generalis, & Minister etiam respectu Diffinitorii Provincialis amittit locum.

V. Ab-

V. Absente Ministro Domus, si ibi non fuerit Præses designatus per Superiorem Generalem, vel Diffinitorium Generale, semper præsideant in actibus, & functionibus Communitatis, signumque faciant, ut moris est; Nunquam tamen se intromittant in regimen Domus, nisi absentibus simul Ministro Vicario, & Diffinitoribus illius Provinciae, tunc enim quoad omnia Præsides erunt Domus: Et omnes Religiosi semper, & ubique eandem illis observantiam, & reverentiam præsentent, ac suis Ministris sub poena ad arbitrium Diffinitorii Generalis suæ Familiae, illis rigore applicanda.

VI. In qualibet Domo, ubi fuerint Patres Diffinitores Generales cum Superiore suo Generali, ab ipso licentiam, Socium, & benedictionem accipiant ad exendum e Domo. Si autem Superior Generalis ibi non fuerit, per se, aut per alium dicant Ministro, & cum Socio ab ipso designato exeant: Socius tamen ipse a Ministro benedictionem accipiat.

VII. Epistolas quibuscumque Religiosis, & Sacularibus scribere, & ab illis Missas recipere liceat Diffinitoribus absque alicujus (etiam Patris Ministri Generalis) impedimento, vel examine. Etiam eis liceat alloqui quascumque personas, observando tamen, quod Regula, & Constitutiones disponunt, quoad loca, & tempora loquendi, & tacendi.

§. IV.

De Capitulo Provinciali.

I. Capitulum Provinciale celebretur, ut moris est, in singulis Provinciis de triennio in triennium Sabbato (si fieri possit) ante quartam Dominicam post Pascha, ita ut in duabus Provinciis, vel in tribus, si creverit numerus Provinciarum, cujuscumque Familiae, celebretur anno præcedenti ad Capitulum generale, nisi iusta de causa Superior Generalis Familiae aliquod Capitulum anteponat, vel postponat. Quod tantum per tres menses facere poterit, & tunc celebrabitur tempore, & die designato ab ipso Superiore Generali, semper extra Curias Principum, in Domo ad arbitrium prædicti Superioris, consulto tamen Diffinitorio Provinciali destinanda.

II. In quocumque Capitulo Provinciali cujuscumque Familiae Præses erit Superior Generalis Ordinis, si adfuerit intra illam; Si vero extra illam fuerit, Præses erit in altera Familiae Superior Generalis illius. Atsi Superior Generalis Ordinis fuerit extra propriam Familiam, Præses erit ille, quem pro tempore suæ absentia elegerit in Præsidentem totius Familiae. Si autem ob iustas causas, vel quia duo Capitula eodem anno concurrant in Provinciis longe inter se distantibus, Superior Generalis nisi magno labore ad aliquod Capitulum concurrere nequeat, tunc, & eo casu poterit designare Præsidentem pro Capitulo Provinciali, cujus præfidentiam pro se non selegerit. Ceterum, semper tenebitur eligere Præsidentem ex Pro-

vincia, intra quam celebrabitur Capitulum; Et nisi instante Diffinitorio Provinciali, concurrentibus omnibus suffragiis præter unum, non poterit designare Præsidentem ex alia ejusdem Familiae Provincia assumptum.

III. Ad Capitulum Provinciale Superior Provincialis per suas literas convocet Gremiales juxta instructionem Superioris Generalis, qui per sex menses ante Capitulum tenebitur illi notam facere designationem Domus, temporisque, & diei, ut ea omnia denunciet in literis Convocatoriis, & Vocatoriis eis, qui concurrere debent, & possunt. De his autem Convocatoriis idem intelligatur, quod dictum est circa Capitulum generale Ordinis, ut earum vi Gremiales reputentur vocati. At vero de illis Superior Provincialis certiore faciat Præsidentem Capituli illico, ac in Domum Capitularem accedat Præses.

IV. In Capitulo Provinciali suffragium habeat post Præsidentem Superior Provincialis, duo Diffinitores Generales actuales illius Provinciae, Diffinitores Provinciales, duo Ministri Socii, Redemptor Captivorum, & Procurator Provinciae: Ceterum si in aliqua Provincia fuerit aliquis Procurator plurium Provinciarum in alicujus Principis Curia, hic suffragium habere debet in Capitulo suæ Provinciae, & in eo casu licet sit alius particularis Procurator Provinciae, hic illud non habeat. Deinde suffragium habere possunt, quin cogantur adesse Capitulo, qui aliquando fuerint Superiores Generales, vel Diffinitores Generales ex ea Provincia assumpti, vel qui fuerint Provinciales illius. Erit tamen hoc discrimen inter vocales, quod (nisi detenti fuerint infirmitate, vel inevitabili impedimento) concurrere debent sub poena privationis vocis activæ, & passivæ in perpetuum: Superior Provincialis: omnes Diffinitores Provinciae; duo Socii primi: Redemptor Captivorum, & Procurator. Ceteri autem libere possunt adesse, vel abesse suo Capitulo Provinciali. Ac demum ad Capitulum, & extra Domum Capitularem sub prædicta poena privationis accedere tenentur duo Socii in defectum.

V. In Aula Capitulari, & extra illam tempore Capituli, sedeant, præcedant, & præsideant Capitulares ordine, quo nominati sunt, ut dictum est de Capitulo generali intermedio, ita tamen, ut qui fuerint voluntarii vocales, & aliquando fuerint Superiores Generales, ceteros voluntarios præcedant, exceptis Diffinitoribus Generalibus actualibus, qui semper erunt immediate post Præsidentem. Deinde qui fuerint aliquando Diffinitores Generales pro illa Provincia etsi actu non sint, præcedant eos, qui fuerint Provinciales illius.

VI. Capitulares solum ingredi poterunt Domum Capitularem feria quinta immediata ante celebrationem Capituli. Antea vero per duos menses antecedentes ingredi non poterunt, nisi Præses, & Diffinitorium Provinciale cum Provinciali, exceptis socio, si Minister fuerit, vocalis ille, qui ante

ante annum habeat in eadem Domo suam illi designatam residentiam continuam. Hortamur tamen Patres Diffinitores Generales actuales, qui non fuerint filii Provinciae, ut tempore Capituli Provincialis extra Domum Capitularem in alio commorentur Conventu, nisi actuali impediatur infirmitate.

VII. Socii vero secundi, si vocati fuerint, accedere possunt, & ingredi eadem feria quinta, sed si non jubeantur accedere, non ingrediantur Domum usque ad feriam tertiam, in qua studentes etiam ingredi possunt, ut coram Capitulo examinentur, ut dicitur infra. De cetero autem circa praemula ante electiones observanda sunt, quae statuta manent circa Capitulum Generale. At vero eligibilitatis scrutinia similiter fiant, hoc nimirum modo, eadem feria quinta Praeses Capituli omnibus Gremialibus manifestet Cathalogum a Diffinitorio Provinciali ipsi traditum omnium Religiosorum, qui intra Provinciam juxta nostras Constitutiones, inspectis graduatione, & interstitiis, apti sint, ut ex illis fiat eligibilitatis scrutinium, & ab Scrutatoribus eodem modo, ac dictum est de Capitulo Generali, regulemur, ac publicentur eligibilitatis scrutinia, ut juxta ea suo tempore eligantur, quos eligere voluerint Vocales.

VIII. Deinde fiat secundum scrutinium ad eligendos quatuor Diffinitores Provinciae (qui in qualibet Provincia solum eligi debent, & inter ipsos nulla sit inaequalitas) quisque Gremialium in Scheda sua octo debet seligere ex aptis, & scrutinium fieri debet ex illis octo, qui plures voces habeant, ut solum nominentur, & declarentur proxime eligibiles in Diffinitores octo ex omnibus aptis, & ex his tempore suo eligantur quatuor in Diffinitores Provinciae similiter, ac dictum est de Diffinitoribus Generalibus.

IX. Praeterea Tertium fiat scrutinium ad Ministrorum electiones, & ad illud ex aptis unusquisque vocalium in sua Scheda seligat, & scribat talem numerum Religiosorum aptorum, ut in medietate excedat numerum Domorum Provinciae, & postea regulatis vocibus modo dicto declarentur eligibiles in Ministros, qui plures voces habuerint in Schedulis, & illi, qui necessarii fuerint, ad duplicatum numerum Ministrorum, qui eligendi sunt pro Domibus, quin vocales teneantur eligere, nisi quos voluerint, ex contentis in duplicato numero.

X. Denique ad Sociorum electionem, quartum fiat scrutinium, sicuti ad eligibilitatem Diffinitorum. Ceterum hoc discrimine, quod quando regulemur voces, quas habuerint in Schedulis Electorum, Scrutatores debent in Scheda publicanda ita regulare selectos, ut quatuor, quos invenerint habuisse majorem numerum vocum in Schedulis, declarent eligibiles in duos Socios primos, & alios quatuor in duos Socios secundos.

XI. Praeses Capituli manifestet vocalibus graduationem Domorum a se factam praesens ad eligendos Ministros pro illis, &

statim separentur Vocales a Diffinitorio; quod solum deputare debet duos Vocales ad legendas Epistolas missas ad Capitulum.

XII. Sequenti die, Sabbatho nempe, factis omnibus, quae fieri debent in Capitulo Generali, congregentur in Aula Capitulari, & facta a Praeside exhortatione lingua omnibus communi, fiat absolutio, Electorum juramentum electio Secretarii Capituli, Scrutatorum, Secretarii scrutini, & Pronunciatoris eadem forma, eisdemque factis juramentis, sicut dictum est de Capitulo Generali, & his omnibus finitis, ad electiones procedant Vocales.

XIII. Ante prandium fiat semper, & sola fiat electio Ministri Provincialis, quae facta, omnes Vocales praeter Praesidem, & Superiorem Provincialem, cujus officium expirat, pergant processionaliter in Ecclesiam cantantes Hymnum *Te Deum*, & ibi ab eo benedictionem accipiant eo modo, & forma, quibus juxta nostras Constitutiones fit in electione Ministri Generalis.

XIV. Vespere autem congregetur Capitulum, & si Provincialis electus praesens fuerit, sedeat immediate ad Praesidis sinistram non tamen praesideat aliis Vocalibus, quamvis eos praecedat, nec officium exerceat usquequo finiatur Capitulum: Nec si absens sit, illum Capitulum expectet, sed prosequatur, & fiant electiones quatuor Diffinitorum Provincialium, quorum praecedentia post confirmationem, juxta ordinem electionis regulanda erit.

XV. Sequentibus diebus (qui omnes pro celebratione Capituli ad summum erunt novem) fiant electiones Ministrorum Conventualium, secundum graduationem Domorum antea dictam, & post omnium Praelatorum electiones eligantur canonice duo Socii ex Ministris noviter electis, qui ad Capitulum Provinciale futurum concurrere debeant ut Socii primi. Praeterea eligantur alii duo, qui fuerint aliquando Ministri, quamvis in eo Capitulo in Ministros non sint electi, ut ad Capitulum futurum accedant vocati, tanquam Socii secundi, quorum primus, deficiente aliquo Gremiali, cui concurrere non sit liberum, suffragium habeat pro eo, & secundus suffragium habeat, si deficiat alter, quique ambo in loco proximo extra Domum Capitularem manere debent tempore Capituli, ut praesto sint concurrere, si vocentur. Nullus autem eligi poterit in Socium primum, aut secundum, si in eo Capitulo Socius fuerit cum exercitio, etiam supplendo pro alio, quamvis tunc eligatur in Ministrum.

XVI. In casu quo post trimum scrutinium adhuc non fuerit electio canonice selecta, tunc ommissis scrutiniis, eo ipso habeatur tanquam legitime electus vi hujus Constitutionis ille, pro quo fuerit major numerus suffragiorum, quam pro alio, aut aliis. Si vero pro duobus fuerit aequalis numerus suffragiorum, major quam pro aliis, tunc antiquior in professione reputabitur, & habeatur tanquam legitime electus.

XVII. Si per mortem, aut aliam quam-

quamvis causam Socius aliquis pro suo munere non possit accedere ad Capitulum, tunc Diffinitorium Provinciale tempore apto eligat Socium loco illius.

XVIII. Si aliquis Praelatus, vel particularis Religiosus, aliquid animadvertendum, vel nota dignum habuerit, id credat Provinciali suo, vel alicui Socio ex primis suae Provinciae, ut ipse tradat destinatis a Diffinitorio Provinciali ad legendum Epistolas.

XIX. Factis canonice electionibus, prosequantur sessiones necessariae ad agendum de observantia, progressu, bonoque communi Provinciae, & ante omnia, ac praecipue de eius Instituto, redemptione, nimirum Captivorum. Capitulum Provinciale quamvis non possit, novas Constitutiones statuere poterit ordinationes facere ad melius regimen suae Provinciae, dummodo nihil sint contrariae ordinationibus factis a Capitulis Generalibus, vel Generalibus Diffinitoriis.

XX. Ordinationibus factis, extra Aulam Capitularem fiat examen studentium, qui concurrere debent, ut ex illis eligantur Lectores.

XXI. Capitulum eligat sex Patres ex gravioribus Provinciae, quorum consilio, & assensu Pater Provincialis quando casus occurrerit, eiciat ab ordine aliquem, instructo processu, & bene probatis causis expulsiōnis, servatisque Decretis Congregationum, & Summorum Pontificum; & praeterea eligat ad eundem effectum alios quatuor, vel sex Patres subrogandos ordine suae electionis, in defectum alicujus, vel aliquorum ex sex prius electis.

XXII. His factis, legantur coram Capitulo Decreta Sanctae Romanae, Generalis Inquisitionis, & Praeses Capituli hortetur Gremiales ad strictam observantiam illorum.

XXIII. Decretis lectis, Praeses Capituli imponat praecipuum, ut dicitur de Capitulo Generali; Et si aliquod impedimentum inventum fuerit, ad Praesidem Capituli, & Diffinitorium cum suo Provinciali spectet Judicium: Nullo autem invento, vel si inventum fuerit, Judicio facto a Praeside, & toto Diffinitorio Provinciali, totum Capitulum albis, nigrisque lapillis eligat Redemptorem Captivorum pro sua Provincia, & Procuratorem Provinciae pro ea. Si in aliqua Familia fuerit Curia communis plurium Provinciarum Ordinis, & Provincia alternatim elegerit Procuratorem omnium illarum, Provincia illa cui secundum dictam Alternativam competit electio hujusmodi Procuratoris, prius eligat illum in suo Capitulo Provinciali, & postea eligat Procuratorem particularem ejusdem Provinciae.

XXIV. Postea totum Capitulum confirmet electionem Patris Provincialis, Praesque, nec non Provincialis, cujus officium expirat ad Diffinitorium Provinciale, confirmet omnes alias electiones.

XXV. His omnibus expeditis, Socius primus surgat, & coram Capitulo legat Cathalogum Religiosorum, qui in illo

triennio decesserunt, in sua Provincia. Deinde si aliqui Religiosi (non vocales ipsius Capituli; Hi enim recurrere debent ad Capitulum, vel Diffinitorium Generale) petierint aliquod sublevamen propter ipsorum fractam valetudinem, aut aliam justam, ac rationabilem causam, Capitulum tale sublevamen indulgeat quatuor, vel quinque magis indigentibus. Ac deinde surgat Secretarius Capituli, & legat electiones omnes, statuta, ceteraque omnia alia acta, & disposita in ipso Capitulo, quae cuncta scribenda, & subscribenda sunt, ut dicitur de Capitulo Generali, & statim dissolvatur Capitulum.

XXVI. Postea immediate Praeses Capituli imponat praecipuum omnibus Capitularibus, ut intra viginti quatuor horas coram ipso manifestent, quid quid notarunt durante triennio in Patre Provinciali praeterito; nec non circa regimen, & suorum officiorum executionem in Diffinitoribus Provincialibus antecedentibus. (Diffinitorium enim visitatio circa mores in quacumque visitatione Provinciae facto supponitur, qua a Visitatore visitari debent etiam Diffinitores Provinciae) visitatione conclusa, si aliquid dignum poena, vel reprehensione fuerit inventum, Praeses ipse si Superior sit, Reos puniat, vel reprehendat. Si autem non fuerit Superior, visitationem mittat Superiori Generali Familiae, ut ipse judicet Reum, aut Reos.

XXVII. Die sequenti, ultimoque Capituli Missa Solemnis de requiem pro Religiosis nostris defunctis, & Benefactoribus nostris, Concioque & Solemne Responsorium habeatur. Debent autem Provinciales curare ne concionator aliquis satirice praedicet sub poena imposita (§. de Capitulo Generali num. 31.) qua functione praefata Capitulares iraterna charitate amplectentur, & in suos Conventus proficiantur.

XXVIII. In casu, quo Minister Generalis designet in Praesidem Capituli Provincialis aliquem ex alio quovis titulo vocalem, tunc Minister Domus Capitularis habeat votum in Capitulo Provinciali, & si ipse Minister fuerit Socius actualis, suffragium habeat Socius primus in defectum.

§. V.

De Diffinitorio Provinciali.

I. Diffinitorium Provinciale congregatur immediate post Capitulum Provinciale, & postea de semetipso in semetipso in Domo, quam designabit de una in aliam Congregationem; Congregatur etiam quoties Provinciali visum fuerit; Ordinarie autem quotannis celebrari debet in qualibet Provincia die 3. Maii: praedictum autem Diffinitorium confluere debet ex Superiore Provinciali, uti Praesidenti, & ex quatuor Diffinitoribus Provincialibus, qui omnes decisivum suffragium habeant: Et in primo Diffinitorio Superior Provincialis, &

omnes

omnes Diffinitores Provinciae Juramentum facere debent, sicut Diffinitorium Generale.

II. Diffinitorium Provinciale in simul poterit admittere renunciaciones, eligere Diffinitores, novisque Ministros Redemptores suae Provinciae, quotiescumque vacaverint eorum officia, quocumque titulo vacent; poterunt etiam eligere chronistam suae Provinciae, necnon ex concessione Diffinitorii Generalis praebere consensum, ut libri Typis mandentur; & ex commissione Diffinitorii Generalis concedere facultatem audiendi Confessiones Faminarum cum informatione Patris Provincialis, quae ad Generale pertinet Diffinitorium. Cap. 38. §. 2. num. 2.

III. poterit etiam facere ordinationes ad melius esse suae Provinciae, dummodo ordinationibus Capituli, vel Diffinitorii Generalis non opponantur. Praeterea de consensu Superioris Generalis, poterit eligere studentem Theologiae, ut nominetur, & fiat Collega nostri Collegii Romani.

IV. Si Provincialis deficiat, vel illius officium quocumque titulo vacet, Diffinitorium Provinciale, Praefide designando vel potius designato pro casu a Superiore Generali, & Socii actuales eligant novum Superiorem Provinciae, qui Vicarius Provincialis nominetur, & illius officii cum omnibus auctoritatibus, quas haberet si esset Provincialis usque ad immediatum Capitulum Provinciae duret.

V. In casu discordiae suffragiorum servetur in Diffinitorio, quod stabilitum est pro Capitulo Provinciali num. 16.

§. IV.

De officio Patrum Provincialium.

I. Nullus sit eligibilis in Provinciale, nisi eligibilis esset ratione aetatis a professione, & graduationis in Diffinitorem Generalem Ordinis, aut Familiae. Electo tamen in Provinciale omnes humiliter, & prompte obediant tanquam Patri, & Patris; qui, & ideo magna sollicitudine suae Provinciae invigilet, & in tota illa eandem habeat potestatem, quam Ministri in suis Conventibus, in eorum tamen officia non se intromittat, nisi illorum negligentia, & culpa exigente, vel necessitate, & prudentia postulante.

II. Ad Patrem Provinciale spectat concedere licentiam, ut in Religione recipiantur, qui ad Chorum destinantur. Item, ut tam isti, quam laici (existentes in anno probationis, seu Novitatus recipiantur suo tempore ad professionem. Similiter praestare literas (vulgo reverendas) ut Religiosi sacris initiuntur; facultatem, ut concionentur. Primo licentiam, seu facultatem concedere, ut Religiosi se exponant examini Ordinarii, & post illius licentiam, ut Confessiones audiant virorum, & petere a Diffinitorio Generali, vel proponere suo, quod Religiosi Confessiones Faminarum audiant; etiam pertinet ad Provinciale in

qualibet visitatione designare Confessarios pro Religiosis.

III. Pro his omnibus hortamur Patres Provinciales, & eorum Conscientias oneramus, ut antequam praedictas facultates concedant, certam, & veram notitiam habere curent de virtute illorum, quibus eas concedunt, ac de ipsorum aetate, scientia, & ceteris ad eas requisitis tam a jure, quam a Bullis Pontificiis, & nostris Constitutionibus. Et insuper dum a Diffinitorio postulaverint licentiam, ut aliquis Religiosus Faminarum excipiat Confessiones, mittat simul petitionem proprii Ministri ejusdem Religiosi, in qua tam Minister, quam Consiliarii ejusdem Conventus, seu Collegii testificentur de annis aetatis, habitus, ac Presbyteratus talis Religiosi, & quanto tempore Confessiones virorum laudabiliter, & prompte audierit.

IV. Pertinet etiam ad Provinciale suspendere, & tollere (quando conveniens judicaverit) facultates, & licentias praedicandi, & audiendi Confessiones tam virorum, quam Faminarum. Deinde impertire in sua Provincia Benefactoribus, & aliis personis Epistolas Confraternitatis, quibus participes fiant suffragiorum, ceterorumque bonorum operum suae Provinciae, & facultatem praestare Conventibus ad perpetuo alienandas Sepulturas Ecclesiarum; non vero Cappellae majoris, vel minorum.

V. Rursusque singulis annis semel saltem visitare omnes Conventus, & Collegia suae Provinciae. Si vero Superior Generalis aliquam illius Provinciae Domum visitavit, tunc Provincialis non teneatur eam pro illo anno visitare. Quod si contigerit aliquem Fratrem Germanum Provincialis esse Ministrum alicujus Domus suae Provinciae non visitet Domum illam ipse Provincialis, sed tunc casu illam visitabit Superior Generalis, vel de illius commissione alter Religiosus. Deinde si Pater Provincialis infirmitate, vel alia justa causa impeditus non valeat visitare per se, sive officium exercere, poterit vices suas alteri Religioso Provinciae suae committere, nunquam tamen nominare, seu instituire Vicarium Provinciale, sive pro tota, sive parte suae Provinciae. Hoc enim ad Diffinitorium Generale attinet.

VI. Praeterea ad Provinciale spectat suos Religiosos ab uno ad alium Conventum transferre, & praebere eis, (exceptis lectoribus studentibus) licentiam ad itinera faciendam, necessitate exigente, & servatis his, quae dicta manent supra Cap. 10. §. 1.

VII. Suspendere quoque ab officio Ministri, qui gubernare nescit, vel qui sua malitia, aut negligentia, vel defectu capacitatis permittit, ansum praebet, vel causa est, quod omnes, vel plerique subditorum vivant irreligiose, laxae, vel sine pace, aliave inconvenientia tam in Oppido, quam in Conventu sequantur. Quocumque ergo ex istis causis potest Provincialis suspendere aliquem Ministri (quantum vis

vis alias bonis moribus ornatum) consuletque Diffinitorium Generale, ut si expedierit, praedictus Minister deponatur.

VIII. Ad Provinciale etiam pertinet nominare, & designare simul cum Ministro Vicarios omnium Conventuum, & Collegiorum suae Provinciae, necnon illos suspendere, imo, & consulto Superiore Generali, eosdem privare tam in casibus expressis in nostris Constitutionibus, quam si propter alias culpas id mereantur, sine obligatione reddendi causam, & rationem, cur ita fiat, nisi Sacrae Congregationi, aut Superiori Generali, quando requisitus fuerit. Item admittere renunciaciones officiorum, quorum designatio ad ipsum attinet, tametsi cum Ministro nominatio facta fuerit.

IX. Ad ipsum etiam spectat culpas punire, usque ad graviores inclusive: Absolvere a censuris, ad limites facultatis ei concessae per jus commune, vel Pontificia privilegia.

X. Habeat Provincialis librum, in quo scribat facultates, quas concedit ad concionandum, ad virorum Confessiones audiendas, & ad Ordines recipiendos: Et in eo nedum notet diem, mensem, annum, & nomen Religiosi, sed etiam ejus Patriam, & Conventualitatem.

XI. Non liceat Provinciali absque expressa licentia Superioris Generalis contributionem imponere in sua Provincia, possit tamen licentiam concedere alicui Ministro, ut de consensu majoris partis Capituli Conventualis opem ferat alteri Conventui, vel Collegio indigenti. Super quo hortamur omnes Ministros, & Conventus, ut mutuo se adjuvent, ut religiosa, & fraterna charitas ita exerceatur, & conservetur.

XII. Provincialis expirans rationem in Capitulo reddat Superiori Generali de omnibus expensis ab ipso factis in illo triennio, & in quibus eas fecit. Quod si non reddiderit, ipse Superior Generalis illam exigat.

XIII. Si Provincialis obierit, vel alia de causa ejus officium cessaverit, Praedecessor immediatus sit ipso facto Vicarius Provincialis, nisi inhabilis, vel impeditus sit: Nam tunc Vicarius Provincialis erit Diffinitor Generalis primus, filiusque illius Provinciae, & in istius defectu secundus, donec congregatis Diffinitoribus Provincialibus, publice electio Praefidis designati a Superiore Generali ad Provinciale electionem faciendam in Domo ab ipso Superiore Generali illis destinata, & cum Diffinitorio eligat Provinciale.

XIV. In casu mortis alicujus Provincialis ejus Secretarius, & Minister, ac Consiliarii Conventus, in quo obiit, vel vicinioris (si forte extra claustra mortuus fuerit) intra Arcam trium clavium ponant, & custodiant manticas, codices, & scripturas, ac alia similia, quae poenes Defunctum, & ad ipsum attinentia inventa fuerint, & claves manticarum apud Secretarium sint, qui etiam unam, ex tribus clavibus habeat, donec Vicarius Provincialis, vel Provincialis de novo electus accedat, cui

Bull. Rom. Tom. XIV.

omnia (simul cum Sigillis, & Formulario officii) tradentur, nisi Superior Generalis aliter disposuerit. Et praecipimus in virtute sanctae obedientiae praefatis Ministro Secretario, & Consiliariis, ac omnibus, & singulis aliis Religiosis, quod nunquam aperiant, nec aperire permittant dictas manticas, nec videant, seu legant scripta, quae apud se Provincialis Defunctus habebat.

§. VII.

De Patribus Diffinitoribus Provincialibus.

I. Patres Diffinitores Provinciales solum debent esse quatuor pro qualibet Provincia, & unusquisque non mediocriter doctus saltem in morali Theologia. Nec aliquis eligatur in Diffinitorem Provinciae, quin habeat decem, & septem annos a Professione, & duobus trienniis integris fuerit Minister Conventualis.

II. Diffinitores Provinciales habitent in Conventibus suae Provinciae a Provincialibus designatis, nunquam tamen poterunt esse plures, quam duo in eodem Conventu, vel Collegio, nisi per breve tempus, & ubicumque fuerint, sedeant post Ministrum, nisi praesens fuerit Diffinitor Generalis, qui eisdem Diffinitoribus Provincialibus praesidere debet.

III. Si in Conventu non fuerit Minister, fuerit tamen Praefes designatus per Superiorem Generalem, vel ejus Diffinitorium, ipse Praefes omnes Diffinitores praecedere debet, sicut Minister, neuter tamen praesidere eisdem Diffinitoribus.

IV. Praedicti Diffinitores Provinciales nunquam se intromittant in regimine Domus, nisi absentibus Ministro, Praefide, jam dicto, & Vicario: Tunc enim quamvis ibidem sit aliquis Diffinitor Generalis, Praefides erunt Domus Diffinitores Provinciales, sed Diffinitorem Generalem non praecedent, nec in actibus, quibus ipse adfuerit, illi Praesidentiam habebunt.

V. Ubicumque fuerint Diffinitores Provinciales, immediate subiciantur Superiori Provinciae, seu Provinciali; non vero praecedant Ministro Domus, nec Praefidem jam dictum, nisi tempore actualis Diffinitorii Provincialis.

VI. In aliis Domibus, in quibus Provincialis non fuerit, Diffinitores Provinciales licentiam, & benedictionem accipiant a Diffinitore Generali in eisdem existente ad exeundum a Domo, & a Patre Ministro Socium petant: Non tamen ipsi, sed Socii tantum benedictionem accipiant a Ministro, aut Praefide per Superiorem Generalem, aut Diffinitorium Generale designato.

VII. Si Diffinitor Generalis non fuerit Domi, ipsi Diffinitores Provinciales recurrere debent ad Ministrum eo modo, & forma, quibus Diffinitores Generales recurrere debent juxta dicta §. 3. num. 6. De Diffinitoribus Generalibus.

VII. Licet Diffinitoribus Provincialibus, sine alicujus etiam Superioris impedimen-